

Kimiad eur Zoudard iaouank

War don : *Al labourer.*

Ma c'haloun a zo frailled dre nerz ma enkrezoù,
Ma daoulagad entanet n'ho deuz mui a zaelou
Deud eo ziouaz ! ann devez ma renkan dilezel
Lee'h kaer ma bugaleach, ma bro gaer Breiz-Izel !

Keno d'id, ma zi bian, kuzet barz ann draonien,
Tachen c'hilaz var behini, bugel e c'hoarienn ;
Gwez ivin ker bodennek, en disheol a bere,
En pad tomder ann hanvou, e kouskenn da greiz-de.

Keno ! keno ! mamm ha tad, breman n'esperit mui
E chomfe ho mab kared da harpa ho kozni,
Evit gounid d'hoc'h bara, vel m'oc'h euz great d'ezhan,
Al Lezen zo didruez, ho kuitaat a renkan.

Nag a wech, ma mamm dener, e renkfet-hu lenva,
Pa zeui ma c'hi ankenied e dro d'hoc'h da ruza ;
Pa welfot, war an oalet, va scabellik c'houllo
Hag ar c'hefnid o steui war ma fenn-baz dero.

Keno ! bered ar barrez, douarou biniguet,
Pere a guz ma c'herent gand ar Zalver galvet ;
Da wel an Anaoun klemmuz, n'inn mui war ho peziou
Da skuilla dour binniget mesket gant ma daelou.

Keno ! ma muia karet, ma dousik kouant Mari,
Eur blanoden diremet a zeu d'hon glac'hari ;
Euruzdet ha levenez skeduz zo tremenet
Vel enn hoabl ar goumoulen gand ann avel kaset.

Na welin mui da lagad ker lemm ha ker laouen
O virvi gant plijadur, en ti pa erruenn,
Da zournik gwenn ker mibin o trei ar c'har en dro,
Da vouez flour mui na glevin o kana va gwerjo.

Pa oamp er c'hatekijou, hon daou c'hoaz bugale,
Hor c'halonou diskiant, en kuz a nem gleve,
Dirag Gwerc'hez ar c'hroaz-hend, nag a wech et touejomp
Na erruje birviken-disparti e trezomp.

Ken laouang ha dibreder, siouaz ! ne vouiemp ket
Pegement a c'houerventez er vuer zo hadet ;
Evid omp ne oa, neuze, Lezennoù na Roue,
N'anveemp med eul Lezen, hini ar garante.

Keno, ma nez amezeck, Iannik ma gwir vignoun,
Kamarad ma c'hoariou, ma breur dre ar galoun,
Piou a gemero breman lod ebarz ma foanio ?
Piou a gomzo gan-in me deuz ar gear hag ar vro ?

— 2 —

Hep-z-oun te ielo breman d'ar parreziou tosta,
 Da bigosad al leuriou barz el lazou-dorna ;
 Hep-z'oun te iel da c'hounid maoud ar c'hourennadek,
 Da chasa war rubanou ebarz er varadek.

Keno, ma c'hazek velen, skanv evel eun heiez,
 Mistr evel eul logoden, gentil vel eun oanez ;
 N'ez santin ken, didan-oun, gand an hast, o tripal,
 Ma daouarn mui ne stagind ar zaeyen war da dal.

Keno ! ma c'hi keaz, Mindu, ma leal kamarad,
 M'efomp ken, dre ar c'hlizen, da glask roudou ar c'had ;
 Ne glevin ken, er menez, da chilpaden skiltruz,
 War ma deurn mui ne zantin da deod karantezuz.

Abenn eunn nebeud amzer, kalz a vignouned ien,
 Barz er zoudard divroet, hep mar, ne sonjfont ken,
 Mes dr galoun te, Mindu, n'eo ket ken ankoezuz
 Pell e ri c'hoaz va c'hanvou, gand da iezou klemmuz.

Keno ta plijaduriou, leuriou-nevez, prejou,
 Festadegou, nozvezou, foariou ha pardoniou,
 Ebatou ker birvidik, biniou zard ha sklentin,
 Na drido mui va c'haloun dre da zoniou lirzin,

Keno kemend a garan, keno da virviken !
 Pell ouc'h a Vreiz me varvo, mantret gand an anken,
 Vel eur blanten gizidik, evid ar vro krouet,
 A renk gwenvi pe vervel, kerkent m'eo divroet.



Distro ar Zoudard en Breiz

(An dervez kenta)

Da weled a ran adarre,
 Va bro gared, Menez Are, —
 Pell diouz-in poan ha enkrez !
 Tridal a ran gant levenez !

Gweled a ran, — pell en draonien,
 Tour an iliz, er goumoulen ;
 Ar moged, n'eur droidellad,
 O tibrada uz ti ma zad.

Klevet a ran ar c'hlob'h sklentin,
 Ar *vombard*, ar *biniou* lirzin, —
 Eun eured a zo dre ama,
Jabadao ! ebad ! tra, la, la !